

TANGAZO LA SERIKALI NA 529 La Tarehe 19/7/2019

SHERIA YA SERIKALI ZA MITAA (MAMLAKA ZA MIJI)

(SURA YA 288)

SHERIA NDOGO

(Zimetungwa chini ya kifungu cha 89)

SHERIA NDOGO ZA (KUDHIBITI OMBA OMBA) ZA HALMASHAURI YA MANISPAA
YA ILALA ZA MWAKA 2019

- | | | |
|----------|----|---|
| Jina | 1. | Sheria Ndogo hizi zitajulikana kama Sheria Ndogo za (Kudhibiti Ombaomba) za Halmashauri ya Manispaa ya Ilala za Mwaka 2019. |
| Matumizi | 2. | Sheria Ndogo hizi zitatumika katika eneo lote lililo chini ya Mamlaka ya Halmashauri ya Manispaa ya Ilala. |

LIBRARY FB ATTORNEYS

Tafsiri

3.

Katika Sheria Ndogo hizi isipokuwa pale itakapoelezwa vinginevyo:-

“Afisa Mwidhiniwa” maana yake ni afisa yeyote wa Umma atakayeteuliwa na Halmashauri kusimamia utekelezaji wa Sheria Ndogo hizi.

“Afisa Mtendaji wa Kata” maana yake ni Mtumishi yeyote wa umma aliye ajiriwa au kuteuliwa kutekeleza majukumu ya Mtendaji wa Kata iliyopo ndani ya eneo la Halmashauri.

“Eneo la Wazi” maana yake ni eneo lolote lenye bustani, au viwanja lisilokuwa eneo la faragha,

“Halmashauri” maana yake ni Halmashauri ya Manispaa ya Ilala

“Hifadhi isiyo rasmi” maana yake ni mahali popote au eneo ambapo haparuhusiwi ombaomba kukaa, au kuweka makazi.

”Kituo cha Hifadhi” maana yake ni kituo au mahali au jengo lolote ambalo limetengwa au linatumika katika kuwahifadhi ombaomba, Wazee, watoto au walemavu kwa lengo la kuwapatia mahitaji ya msingi.

“Mkazi” maana yake ni mtu yeyote

anayeishi au anayefanya shughuli yoyote ndani ya eneo la Halmashauri.

“Mkurugenzi” maana yake ni Mkurugenzi wa Halmashauri ya Manispaa ya Ilala.

“Mtaa” maana yake ni eneo lolote lililopo ndani ya Halmashauri na inajumuisha maeneo yote ya barabara na hifadhi za barabara na njia ya waenda kwa miguu.

“Ombaomba” maana yake ni mtu yeyote, mwenye ulemavu au asiye na ulemavu anayeishi kwa kutegemea kuombaomba chakula au fedha au vitu vingine kutoka kwa mtu mwingine kwenye Mitaa na maeneo ya wazi yaliyoko ndani ya eneo la Halmashauri.

“Wakala” maana yake ni mtu binafsi au kikundi cha watu, Kampuni au Shirika ambalo limeteuliwa na Halmashauri kufanya kazi yoyote chini ya Sheria Ndogo hizi.

“Waziri” maana yake ni Waziri mwenye dhamana na Serikali za Mitaa

Wajibu wa kudhibiti ombaomba.

4. (1)

Halmashauri itakuwa na wajibu wa kudhibiti ombaomba kwenye eneo lote la Halmashauri.

(2)

Halmashauri inaweza kumteua

wakala ambaye atatekeleza jukumu la kudhibiti ombaomba kwenye sehemu au eneo lote la Halmashauri kwa niaba ya Halmashauri.

- (3) Kila mkazi wa Halmashauri analo jukumu la kudhibiti ombaomba kwenye eneo analoishi kwa kutoa taarifa kwa Mkurugenzi, Afisa Mtendaji wa Kata au Afisa Mtendaji wa Mtaa.

Kumtambua ombaomba

5. (1)

Mtu yeyote atakayekutwa mtaani au kwenye eneo la wazi na Afisa Mwidhiniwa au wakala akiomba fedha au chakula kwa mtu au watu wengine atahesabika kuwa ni ombaomba.

(2)

Mtu yeyote atakayekutwa au kuonekana akiomba Mitaani au kukaa, kusimama au kulala mitaani au kwenye maeneo ya wazi na kupiga muziki ili kuomba au kuonesha vidonda au ulemavu kwa madhumuni ya kuomba wakati wowote atahesabika kuwa ni ombaomba.

Taratibu za kuwakamata ombaomba.

6. (1)

Mtu yeyote atakayekutwa Mitaani au maeneo ya wazi na Afisa Mwidhiniwa au Wakala akiomba fedha, chakula au kitu kingine chochote, atakamatwa na kuchukuliwa taarifa zake muhimu ikiwemo:-

- (a)
- (b) Jina lake kamili
- (c) Jinsi na Umri
- (d) Kijiji, Wilaya na Mkoa anaotoka
Atapigwa picha ili iwe kumbukumbu,
na picha hiyo itatumika kwa matumizi
ya ofisi ili kurahisisha utambuzi
iwapo atarudia kuombaomba

(2)

Bila ya kuathiri kifungu kidogo cha 6 (1) cha Sheria Ndogo hizi, ombaomba aliyekamatwa anaweza kufikishwa mahakamani.

Msaada kwa
wenye mahitaji

7.

Mtu yeyote, kikundi cha watu au taasisi yeyote inayohitaji kutoa msaada wa aina yoyote ile kwa watu wanaohitaji msaada watatakiwa kuwasilisha msaada hiyo kwenye kituo cha hifadhi, taasisi za dini, vituo vya kulelea watoto yatima, wazee au wenye ulemavu na watu wengine wasiojiweza au Halmashauri.

Makosa

8. (1)

Itakuwa ni kosa chini ya Sheria Ndogo hizi kwa mtu yeyote endapo;

(a) ataomba na kupokea msaada wa fedha, chakula au kitu kingine chochote mitaani au kwenye maeneo ya wazi na mahali popote ambako siyo kituo cha hifadhi

(b) atatoa msaada wa fedha au chakula au kitu kingine

chochote kwa ombaomba yeyote mtaani au kwenye maeneo ya wazi na mahali popote ambako siyo kituo cha hifadhi

- (c) atamtembeza mtu yeoyote awe mzima au mwenye ulemavu kupita barabarani au mitaani au maeneo ya wazi kwa kutumia chombo chochote maalumu cha walemavu au kumtembeza kwa miguu au kwa njia nyingine yoyote kwa lengo la kuombaomba
- (d) atamsafirisha kutoka eneo moja hadi lingine mtu yeyote kwa lengo kumtumia kuombaomba mitaani
- (e) atamtumikisha mtoto kwa shughuli za kuomba, kwenye magari, barabarani au mahali pengine popote.
- (f) atashindwa kutoa taarifa au kutoa taarifa za uongo kuhusiana na ombaomba kwa lengo la kukwamisha upatikanaji wao ili wasiondolewe maeneo yasiyo rasmi
- (g) atamzuia Afisa yeyote au wakala kutekeleza majukumu

yake yaliyoainishwa kwa
mujibu wa Sheria Ndogo hizi.

- | | | |
|----------------------------|------|--|
| | (2) | Mtu yeyote atakaye kiuka masharti ya kifungu 8(1) atakuwa ametenda kosa kwa mujibu wa Sheria Ndogo hizi |
| Uwezo wa kufifilisha kosa. | 9 | (1). Mkurugenzi atakuwa na uwezo wa kufifilisha kosa kwa kumtoza faini kiasi kisichozidi shilingi laki mbili (200,000/=) na mtu yeyote aliyetenda kosa kwa mujibu wa Sheria Ndogo hizi na kukiri kwa maandishi kwa kujaza fomu iliyoambatanishwa katika Jedwali la Sheria Ndogo. |
| | (2). | Bila kuathiri kifungu cha 9(1) cha Sheria Ndogo Hizi Halmashauri inaweza kuwarejesha ombaomba wote watakaokamatwa ndani ya maeneo ya Halmashauri kwenye Mikoa wanayotoka na kuwakabidhi kwa Katibu Tawala wa Mkoa huo. |
| | (3) | Iwapo ombaomba yeyote aliyefifilishwa kosa lake chini ya Sheria Ndogo hizi kwa kutozwa faini au amerejeshwa kwenye Mkoa |

anaotoka atarudia tena kosa au kurejea tena ndani ya eneo la Halmashauri kwa madhumuni ya kuendelea kuwa ombaomba akikamatwa atafikishwa mahakamani na akitiwa hatiani atahukumwa na kuadhibiwa kwa mujibu Sheria Ndogo hizi.

Adhabu.

10.

Mtu yeyote atakayekiuka au kwenda kinyume na masharti ya Sheria Ndogo hizi atakuwa ametenda kosa na akipatikana na hatia atatozwa faini isiyozidi shilingi laki tatu (300,000/=) au kutumikia kifungu kisichozidi miezi kumi na mbili (12) jela au vyote viwili faini na kifungo kwa pamoja

Sheria Ndogo Za (Kudhibiti omba omba) Za Halmashauri ya Manispaa ya Ilala

Tangazo la Serikali Na. 529 (Linaendelea.)

JEDWALI

KUFIFILISHA KOSA

(Chini ya kifungu cha 9(1))

Mimiwa S.L.P..... nakiri KWA HIYARI YANGU MWENYEWE mbele ya.....ambaye ni Mkurugenzi Mtendaji wa Halmashauri ya kwamba mnamo tarehe.....ya Mwezi.....Mwaka.....nilitenda kosa la kukiuka masharti ya kifungu chacha Sheria Ndogo za (Kudhibiti Ombaomba) za Halmashauri ya Manispaa Ilala ya mwaka 2019.

Kwa mamlaka aliyopewa Mkurugenzi wa Halmashauri.Niko tayari kulipa kiasi cha faini ya shilingi..... kwa lengo la kufifilishwa kosa nililotenda.

NATHIBITISHA KWAMBA MAELEZO HAPO JUU NI YA KWELI NA NIMEYATOA KWA HIYARI YANGU KWA KADIRI YA UFAHAMU WANGU

Leo tarehe.....ya Mwezi.....Mwaka.....

Jina..... Saini.....

Mbele ya:

Jina.....

Saini.....

Wadhifa.....

Sheria Ndogo Za (Kudhibiti omba omba) Za Halmashauri ya Manispaa ya Ilala

Tangazo la Serikali Na. 529 (Linaendelea.)

Nembo ya Halmashauri ya Manispaa Ilala imebandikwa kwenye Sheria Ndogo hizi kufuatia azimio lililopitishwa kwenye Mkutano wa Halmashauri uliofanyika mnamo tarehe 22/3/2019 mbele ya:-

JUMANNE K. SHAURI
*Mkurugenzi,
Halmashauri ya Manispaa Ilala*

MHE. OMARY KUMBILAMOTO
*Naibu Meya
Halmashauri ya Manispaa
Ilala.*

NAKUBALI,



Dodoma
24/6/2019

MHE. SELEMANI S. JAFO (MB.)
Waziri wa Nchi-OR-Tamisemi

